



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CLXXI. De non celebrandis Missis de Requiem in duplicibus, exceptis
Anniversariis ex dispositione Testatorum relictis.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

ANNO
1666.
& 1667.

ALEXANDER SEPTIMUS.

233 ANNO
1667.

D. P. An. 12.
die 9. Junii.

manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides adhibeatur, quæ præsentibus ipsis adhiberetur si forent exhibitæ, vel ostensæ.

Datum Romæ apud Sanctam Mariam Majorem, sub Annulo Piscatoris, die 9. Junii 1666. Pontificatus Nostri Anno duodecimo.

CLXX.

Quibusdam locis Congregationis Somaschæ facta concessio sepeliendi Alumnorum Cadavera sine interventu Parochorum.

Edita An. D.
1667.

ALEXANDER PAPA VII.

Ad perpetuam rei memoriam.

Motiva.

Dudum pro parte tunc existentis Præpositi Generalis Congregationis Clericorum Regularium Somaschæ, alias S. Majoli Papien. felic. record. Paulo Papa V. Prædecessori nostro exposito, quod inter Rectores Collegiorum, ac Seminariorum, & Academiarum curæ, & administrationi dictorum Clericorum commissorum ex una, ac Parochos ex altera partibus, nonnullæ lites, seu controversiæ super sepeliendi in Ecclesiis Collegiorum, ac Seminariorum, & Academiarum, hujusmodi cadavera Scholarium, Clericorum, & Convictorum, qui pro tempore in Seminariis, Collegiis, & Academiis hujusmodi decedebant, sapius oriebantur, ad quas quidem lites, seu controversias, de cætero evitandas dictus Præpositus Generalis plurimum desiderat, Rectoribus, & Clericis prædictis opportunè provideri.

§. 1. Idem Paulus Prædecessor, supplicationibus illorum nomine sibi super hoc humiliter porrectis inclinatus, Amerin. & Gallii nuncupati Comen. & Burgi Lugani Comen. Dioc. necnon Oppidi Trivultii Mediolanen. Dioc. Collegiorum, ac Ravennaten. & Patriarchalis Venetiarum Seminariorum, necnon Terræ Salodii Brixien. Diocesis, ac Sancti Spiritus propè, & extra Portam Cumanam Mediolanen. & S. Majoli Papien. Academiarum Rectoribus respectivè, ut in S. Angeli, S. Mariæ de Rondineto nuncupat. S. Antonii, & Sanctæ Crucis, necnon S. Catharinæ, & Sanctissimæ Trinitatis, ac S. Benedicti, S. Spiritus, & S. Majoli eorum Ecclesiis respectivè, absque Parochorum interventu, Scholarium, Clericorum, & Convictorum prædictorum in Collegiis, Seminariis, & Academiis, hujusmodi pro tempore decedentium Cadavera, sine tamen quorumcumque jurium Parochialium præjudicio, Ecclesiastica sepulturæ tradere liberè, & licitè valerent, ita tamen tamen ut, antequam sepulturæ traderentur, Rectores prædicti Parochos certiores facere tenerentur, Apostolica auctoritate concessit, & indulset, & alias, prout in ipsius Pauli Prædecessoris literis desuper in simili forma Brevis die 27. Octobris 1614. expeditis, quarum tenorem præsentibus pro plenè, & sufficienter expresso, & inserto haberi volumus, uberius continetur.

§. 2. Cum autem, sicut dilectus filius modernus Præpositus Generalis Congregationis prædictæ Nobis nuper exponi fecit, eadem Congregatio subinde Seminarium Ducale S. Antonii Venetiarum, ac Sanctæ Mariæ Scholarium Veronen. S. Bartholomæi Brixien. S. Leonardi Bergomen. Sanctæ Mariæ Laudens. S. Angeli Custodis Taurinen. & Sanctæ Mariæ Angelorum Fossanen. Civitatum, necnon S. Georgii Oppidi Novarum Derthonen. & S. Bartholomæi Oppidi Merati Mediolanen. Diocesium Collegia acquisiverit, seu illa curæ, & administrationi Clericorum Regularium dictæ Congregationis commissa fuerint, dictus vero Præpositus Generalis litibus, & con-

troversis, quæ inter Rectores, & Clericos Seminarium, & Collegiorum hujusmodi, ac Parochos super jure sepeliendi Cadavera Scholarium, Clericorum, & Convictorum in eisdem Collegiis, & Seminario pro tempore decedentium pariter oriri possent, maturè occurri, illarumque materiam recidi plurimum desideret; Nobis propterea humiliter supplicari fecit, ut jam dictis Rectoribus, & Clericis opportunè in præmissis providere, & ut infra indulgere de benignitate Apostolica dignemur.

§. 3. Nos igitur pacem, & quietem inter Regulares, & Ecclesiasticas personas conservari cupientes, dictosque modernum Præpositum Generalem, ac Rectores, & Clericos specialibus favoribus, & gratiis prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, Seminarium Ducalis S. Antonii Venetiarum, ac S. Mariæ Scholarium Veronen. S. Bartholomæi Brixien. S. Leonardi Bergomen. S. Mariæ Laudens. S. Angeli Custodis Taurinen. & S. Mariæ Angelorum Fossanen. Civitatum, necnon S. Georgii Oppidi Novarum Derthonen. & Bartholomæi Oppidi Merati Mediolanen. Diocesium, hujusmodi Collegiorum Rectoribus respectivè, ut in eisdem Seminariis, & Collegiis Ecclesiis absque Parochorum interventu, Scholarium, Clericorum, & Convictorum in Seminario, & Collegiis hujusmodi, non electa sepultura, pro tempore decedentium Cadavera, sine præjudicio tamen quorumcumque jurium Parochialium, Ecclesiasticæ sepulturæ tradere, libere pariter, & licitè valeant respectivè, ita tamen, ut antequam sepulturæ tradantur, iidem Rectores Parochos certiores facere teneantur, Apostolica auctoritate tenore præsentium concedimus similiter, & indulgemus.

§. 4. Non obstant. Constitutionibus, & ordinationibus Apostolicis, cæterisque contrariis quibuscumque.

Datum Romæ apud S. Mariam Majorem sub Annulo Piscatoris, die 12. Martii 1667. Pontificatus Nostri Anno duodecimo.

Confirmat
prout in Rub.

D. P. A. 12.
die 12. Martii.

De non celebrandis Missis de Requiem in duplicibus, exceptis Anniversariis ex dispositione Testatorum relictis.

ALEXANDER PAPA VII.

Ad perpetuam rei memoriam.

Credita Nobis cœlitus dispensationis officium salubriter exequi adjuvante Domino jugiter satagentes, & quamplurima dubia in diversis mundi partibus orta, & in Congregatione Venerabilium Fratrum nostrorum Sanctæ Romanæ Ecclesiæ Cardinalium Sacris Ritibus Præpositorum deducta occasione decreti ejusdem Congregationis, die 5. Augusti 1662. editi, ac à Nobis approbati, de non celebrandis Missis de Requiem in duplicibus tollere, atque dirimere cupientes.

§. 1. De memoratorum Cardinalium consilio auctoritate Apostolica tenore præsentium approbamus in primis aliud decretum prædictæ Congregationis editum in una Novarien. die 22. Novembris 1664. quo declaratum fuit, Anniversaria, & Missas cantatas de Requiem relictas ex dispositione Testatorum quotannis in die ipsorum

CLXXI.

Edita An. D.
1667.

Exordium.

Excipiuntur
Anniversariis.

Altaria privilegia non excipiuntur.

Decretum irritans.

Contrariis derogat.

Transumptorum fides.

Dat. P. A. 12. die 22. Janu.

obitus etiam in duplici majori contingenti non comprehendit in dicto decreto.

§. 2. Uterius quoad Altaria perpetuo privilegiata, & in quibus proinde quotidie etiam in duplicibus celebranda sint Missae de Requiem ex obligatione, auctoritate, & tenore praedictis declaramus per celebrationem Missarum de Festo currenti satisfieri dictis obligationibus, & suffragari cum eisdem Indulgentiis, perinde ac si essent celebratae Missae de Requiem ad formam privilegiorum: salva tamen semper in praemissis auctoritate supradictae Congregationis.

§. 3. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum plenissime suffragari, & ab eis respectively inviolabiliter observari. Sicque in praemissis per quoscumque Judices ordinarios, & Delegatos etiam Causarum Palatii Apostolici Auditores judicari, & definiti debere, ac irritum, & inane, si fecus super his a quoquam quavis auctoritate scienter vel ignoranter contigerit attentari.

§. 4. Non obstantibus quatenus opus sit nostra, & Cancellariae Apostolicae Regula de non concedendis Indulgentiis ad instar, aliisque Constitutionibus, & Ordinationibus Apostolicis, caeterisque contrariis quibuscumque.

Volimus autem, ut ipsarum praesentium literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis eadem prorsus fides in iudicio, & extra adhibeatur, quae praesentibus ipsis adhiberetur, si forent exhibitae, vel ostensa.

Datum Romae apud Sanctam Mariam Majorem sub Annulo Piscatoris, die 22. Januarii 1667. Pontificatus Nostri Anno duodecimo.

CLEMENS IX. PONT. CCXLII.

ANNO DOMINI MDCLXVII.

CLEMENS IX. Italus Pistoriensis in Provincia Hetruriae, Julius antea dictus, Hieronymi Rospigliosi Filius, S. R. E. Presbyter Card. tit. S. Sixti. Romae die 20. Junii 1667. Summus Pontifex pronuntiatus, & die 26. ejusdem mensis, die Dominico coronatus. Creavit Cardinales 12. triplici creatione, 1^a. trium, 2^a. duorum, 3^a. septem. Obiit Romae die 9. Decemb. 1669. Sepultusque fuit in Basilica S. Mariae Majoris. Vacavit Sedes menses quatuor, & dies 20.

I.

Indictio Jubilaei universalis ad divinum auxilium initio sui Pontificatus pro salutari Catholicae Ecclesiae regimine implorandum.

Edita A. D. 1667.

CLEMENS PAPA IX.

Universis Christi-fidelibus ad quos praesentes literae pervenerint salutem, & Apostolicam benedictionem.

Prooemium, & causae indicationis Jubilaei.

Placuit ineffabili Redemptoris, & Domini Nostri JESU Christi bonitati, cui proprium est infirma Mundi eligere, & dextrae suae potentia facere fortia, vices suas in terris humilitati nostrae, meritis licet & viribus longè impa-

ri committere; Et Nos quidem Divinae vocatio- ni, ut par est, obsequentes, impositum Nobis Apostolici ministerii onus humiliter suscepimus, quamvis Angelicis humeris formidandum, freti tamen spe Divinae misericordiae, mittendum esse Nobis auxilium de Sancto, ut de Sion tueatur Nos. Verum dum ferio cogitamus quantum oneris, & laboris incumbat imbecillitati nostrae, cujus Nos probè conscii sumus, quantisque, & quam gravibus hoc tempore Respublica Christiana malorum procellis agitur, & graviorum periculis exposita sit, timemus ne cum propheta Regio exclamare cogamur: Veni in altitudinem maris, & tempestas demersit me. Non tamen concedimus animo, sed omnem spem nostram in eum convertimus, qui sperantes in se confundi non patitur, & gratiae suae confortat auxilio. Quod ut cum omnium Ecclesiarum, quarum Nobis credita est sollicitudo, utilitate consequi benedicente Domino valeamus, ad vestrum omnium quibus curam pastorem impendere debemus, preces ex more Romanorum Pontificum praedecessorum nostrorum confugiendum esse decrevimus: Firmiter confidentes, clementissimum Dominum nostrum ad Ecclesiae militantis praesidium opportuna nobis caelestia dona largitum, si vos Nobiscum unanimes, scindatis corda vestra, & deposito peccatorum pondere, revertamini ad Dominum Deum nostrum, qui multus est ad ignoscendum, & orationes vestras, jejunii atque elemosynae viribus roboratas, ad altare Dei Patris misericordiarum jugiter offeratis per manus Sanctorum Angelorum, qui gaudent super peccatoribus poenitentiam agentibus: Ut Deus pacis qui Reges in thronis collocat, & pauperes e contra excitat, atque inopes de stercore erigit, qui diligit David servum suum, & de grege ovium sustulit, cum inter filios Jesse minimus natus esset, qui ad Evangelii perfectionem dat verbum evangelizantibus virtute multa, ipse confirmet quod operatus est in Nobis, omniaque consilia, & actiones nostras in Sancti ejus nominis gloriam, fideliumque, & animae nostrae salutem dirigere, religionem Christianam propagare, fidem Catholicam protegere, & ab infidelium conatibus, atque insidiis tueri, haereses extirpare, ac pacem, & veram concordiam inter Principes Christianos conservare, & scubi exciderit, aut collabendi periculo obnoxia sit, eam suaviter restituere, atque firmiter solidare, ipsorumque Principum consilia, & vires ad Christiani nominis tutelam unire, sociare, augere, regere, & roborare dignetur. Hoc autem ut fructuosius fiat, ferventiorique spiritus ardore pergatur, Ecclesiae thesauros, quorum dispensationem nobis credit Deus, proferre, & liberali manu erogare decrevimus.

§. 1. Itaque de Omnipotentis Dei misericordia, ac Beatorum Petri, & Pauli Apostolorum, ejus auctoritate confisi, ex illa ligandi, atque solvendi potestate, quam Nobis Dominus, licet indignis, contulit universis, & singulis utriusque sexus Christi-fidelibus in Alma Urbe nostra degentibus, qui solemnibus processioni, quam feria quarta currentis hebdomadae ab Ecclesia Sanctae Mariae Angelorum in Thermis ad Basilicam ejusdem Sanctae Mariae Majoris nuncupat, de eadem Urbe una cum venerabilibus Fratribus nostris S. R. E. Cardinalibus, necnon Patriarchis, Archiepiscopis, & Episcopis, quos in Romana Curia adesse contigerit, ac Christianorum Regum, & Principum Oratoribus apud Nos existentibus, Praelatis quoque, & Officialibus ejusdem Curiae, universoque Clero, & populo benedicente Domino agemus, devotè interfuerint, vel Sancti Joannis in Laterano, Principis Apostolorum, & Sanctae Mariae Majoris Ecclesias, seu Basilicas, vel earum aliquam intra spatium ejusdem, vel proximè subsequentis

Indictio Jubilei cum concessione plenariae Indulgentiae.

hebdo-